

項等呈狀發弘錫反覆之態以爲滌禮訟猜嫌之跡云者曾出弘錫所尊之人而今忽背馳同歸於著定之論不覺爲回戈自攻之嫌蓋滌禮訟猜嫌之跡即宣舉已酉擬書中語而弘錫無以辨正言金啓煥請罷綸等而目之以闖附尊賢之議欲售挾雜之意掌令權世恒上疏言拯黨之反覆以爲今日朝廷所景仰推以爲君子者其誰乎其擬書一出萬目傳看臚列勘斷殆無餘地樸之所執節拍雖殊大意則同宜無可怒而臺奏所論闖機承宣所謂防微未知何謂也徒知罪樸而不覺背馳於其所尊尚之師表究其旨趨都無著落自古黨比之論猶皆各守其見各持其議未嘗有首鼠兩端半陰半陽如今日之爲者上斥以護黨世恒引避以爲姜樸所攻即擬書所攻也彼祖述擬書者反罪樸論抑揚之間向背倏變操縱之際是非倒置如此而其可厭服人心乎玉堂處置駁罷於是弘錫與李匡輔具命圭等盡罰齋任及館儒之斥拯者○前領議政崔錫鼎卒錫鼎敏悟絕人少有文名淹博羣書

丙申四十二年春正月遣御史黃龜河于濟州諭曰耽羅一域三年飢荒窮溟絕域異於陸地荐飢之餘民困尤極連歲運穀其數甚多飢民死亡指徵必難

其中難捧之類各別精覈或蕩滅或白給而邑弊民瘼亦爲條聞前牧使賑政善否亦爲廉問又從龜河狀奏親製文祭餓死民又飭掩骼○賜弓箭於內三廳武臣教宣傳官曰予素愛恤武士春秋必親臨試才激勸一疾支離累年不行殊甚慨恨今賜以弓子箭竹等物其勿拋藝來頭如得間歇當招見試才矣武士莫不感泣○二月白虹貫日○閏三月開城府火民家連燒者三百餘戶死傷者多上命限二年蠲役運粟九百石以贖之○命立祠於南原縣祀壬辰戰亡明將李新芳毛永先蔣表又以吳興業追享於七忠臣鄭期遠等忠烈祠興業即其時軍餉有司而戰死者也○六月前判書金鎮圭卒鎮圭性鯁直清儉自勵且有藻鑑屢掌試以得人稱然性頗執拗有務勝之病○秋七月旱下教戒朝廷朋黨命備局與裁省句管堂上相議定裁省節目內下銀二千兩以補畿民賑資○追奪尹宣舉及其子拯官爵時以宋尹師生是非章疏紛沓上教曰辛酉擬書及尹宣舉墓文并書入又曰向來爲宋先正伸辨儒生多被停舉處分過重并解罰又曰今詳覽擬書辭意果多操切向來李判府事會筭論是矣不可歸之全然無過之地無恠乎多士之伸辨也又曰墓文元無辱及尹

宣舉之事一種云云自歸無實且向來臺奏所引周禮之義終未知其觀合仍命悉宥諸臣之以斥拯被譴者遣史官傳諭慙悔之意於金昌集及權尙夏而促召之又命還存源流序跋特以尙夏爲左贊成鄭澔爲大司憲又以手札召還李畚李頤命判府事趙相愚上筭伸拯上答以昔非今覺處分得正用司諫李箕翊修撰金在魯等言改下前後批旨之過當者竄承旨柳鳳輝鄭棫譴罷構罪金昌集之臺官李世最李廷濟洪禹行金始燦等從正言朴聖輅掌令安重弼等言盡罪前後誣辱宋時烈者崔錫文李真儒等特以金昌集爲左議政以藥院不能禁疏筭罷徐宗泰崔錫恒提調之任副修撰尹淳上疏以今之翻覆易置比於奕碁上答以駭異館儒吳命尹等上疏伸拯金昌集上筭曰命尹疏舉臣父甲子筮奏大加侵詆臣實痛心蓋拯之受墓文在於癸丑擬書作於辛酉果令其師病敗自多瘡疣百出則何故未覺於癸丑以前至托以其父不朽之圖而乃覺之於癸丑以後也擬書真是事師無犯之義何故不作於受墓文之前而作於墓文請改未得之後也夫墓文之無辱說聖上既下明教則乃曰墓文初不干於相絕欲專以他人所傳忍人俘虜等說爲相絕之端臣未知

擬書時猶有未絕之義而必待甲子然後始爲絕耶既深知其師之罪過著爲擬書矣而拯甲子求絕之書猶且請改墓文曰幽明受賜疑結俱解只在門下一言其人果如彼無狀則一言許改安得爲幽明之受賜其所疑結果在本源心術上則又安得遽解於文字筆削之間耶其師之賢否何關於其父之墓文而墓文不改則有許多罪過不可以存師生之名墓文改則其師將復爲粹然無過之君子而所謂辱親之說亦將不復芥滯於其心此果何義也上教曰昔年下教在於擬書墓文未見之前今日處分出於擬書墓文既見之後予心一悟是非自明雖謂之有辭後世可也父師輕重之說今不當更提而吳命尹等掇拾醜正之論誣辱先正畧無顧藉今姑末減爲先停舉又因諫院奏定配極邊昌集以爲過重還寢之戶判趙泰者疏救拯答以駭悖先是拯刊其父文集旋即秘藏至是始行世其中有曰句踐詐而延廣狂又其日記曰在果川以待疏批尹希仲字鑑答書曰北師渡江康王實在軍前云以余江都之嫌似當有爲諱處也余實陷賊人以他人言之則不可當日同患難中人言之何害雜著曰朴躍起問余辭疏以不死江都爲言云信否答曰然與士友約同死而獨生可

愧也前日權次仁問余以此意余曰江都事余則以爲必不可不言希仲曰今日則有所避忌不可言余曰以余當於今日故敢能言之他日則不敢索言耳其與權思誠書曰居常以爲聖上說及江都則極陳微情冀幸感激者實是本心也前冬赴闕自陳只將所懷反覆言之以明自廢之實而已聖上若察愚衷俾作今日之杜舉則未必無補於世教也畿湖三道儒申球等上疏歷陳其事曰宣舉隱然以孝廟江都所處比擬於己之偷生又以孝廟爲有過而可以受罰於自己與鑑輩陰相酬酢以爲他日箝制人口之計請正其誣辱聖祖之罪批曰尹宣舉誣聖祖果如疏辭甚爲驚痛予當覽其文集而處分仍命納本集禮參吳命峻修撰嚴慶遂上疏伸救宣舉命峻主於辨明慶遂以球比於柳子光之註釋吊義帝文進士李弘躋等亦上疏斥球一襲命峻疏語末以春秋大義萃于一門稱頌宣舉拯上命還給仍教曰今後如此醜正之疏切勿捧入上答吳命峻疏曰尹宣舉本集取入覽之與疏儒所云不同予已知其不可輕議大諫李世勉右尹金演疏請竄球答曰申球所云雖甚駭惋不施譴罰亦有所執金昌集上劄曰賊鑑包藏逆心指摘大聖人處義極爲凶悖宣舉喜聞其言

猥援聖祖擬於其身既骨者雖不可輕易論罪其謬妄文字不容仍置其板又曰申球既爲聖祖辨誣則吳命峻之肆然請譴亦既無嚴而反以宣舉歸於粹然無過引宣舉疏宥坐欹器之語稱以旨意一般蓋欹器云者即古人無忘在莒之意何嘗襯近於杜舉受罰之事乎又斥慶遂弘躋等批曰尹宣舉文字謬妄甚矣請譴申球之章終不允從者予意正如卿劄仍命毀去其板以明示是非又命配弘躋罷慶遂令政院勿捧此等爭辨之疏判府事徐宗泰上劄伸宣舉斥昌集答曰左相筭意槩出鎮定激成推助斷非本情亦非以尹宣舉歸之於誣毀也是非一定之後不可撓改弘躋疏下林象極等上疏請與同罰仍論昌集構成士禍目以凶臣并及金壽恒以爲背父誤君又詆辱宋時烈昌集又疏曰陰與匪人指議先朝者猶不失爲全德君子則據其文字言其謬妄者何獨爲凶臣乎康王之云雖諉於賊鑑而先正嘗斥其不絕鑑則其子拯爲之分疏自明其絕以今見之非但不絕反欲借重其言以護己短上命竄象極又命去宣舉先正之稱司直李善溥文學呂必禧左尹李光佐刑判趙泰耆工參李台佐兵議李正臣判府事趙相愚等相繼上疏斥昌集伸救宣舉拯鄉儒朴泰

文等亦上疏伸辨宣舉斥昌集昌集上疏引李恒福辨誣事以爲辨誣一也毀板同也於私則無異議於國則名以士禍人心之惑乃至是耶（蓋昔年丁好寬文字以好寬擬於恒福而恒福後孫光佐台佐等辨誣）於是爲宣舉父子陳疏伸救者甚衆上皆竄罷之至冬十月教曰予惟琅城有華陽書院商山有興巖書院乃兩先正宋時賜額書院也揭額歲月已久病裏畫筆尤拙而必親書鏤板以下者所以寓予尊敬之心也噫人主之尊賢出於至誠庶幾正士趨而熄邪說予意豈偶然哉其令儀曹并卽懸揭仍爲賜祭政院請并以下教入梓懸揭以詔後世遂命左參贊閔鎮厚書下教承旨俞崇奉往懸揭致祭又因掌令趙榮福持平趙聖復及館儒金致厚等疏命去拯先正之稱禮議趙泰億陳疏言不待臣僚之言而先稱之今謂之僭稱而痛禁之未知舉措何如也上特遞之又命還收贈諡建院之命翌年又教曰甲子次對兩大臣以尹拯事有所陳達予卽允可不以儒賢待之到今擬書出疵累彌彰此誠斯文之大變而自有師生以來所未聞者寧不寒心噫快悟昔日之非處分大定其在明好惡之道決不可只禁先正僭稱寢贈諡建院之命而止自今勿復稱拯以儒賢

明示尊賢斥邪之意又曰今後雖卿宰儒士有假托伸辨之疏政院勿捧使死黨之輩不能售其毒正之計承旨金普澤上疏言宣舉之誣聖祖拯之背師俱不可存其官爵上教曰近日事是非大明可以不惑於百世而一種恠鬼輩血戰公議甘心死黨此無他處分猶不嚴故耳兩人官爵決不可仍存方欲一下教於筵中爾疏適至正合予意并命追奪官爵判府事趙相愚劄救之金昌集劄斥之又命撤宣舉院額及王世子代理持平金鎮商達曰宣舉卽一失節負累之人而眞小人之文也請毀其祠院及文集全板令本道依前回達施行不從○以李頤命爲右議政○十二月判校柳百乘疏請追上孝宗徽號政院却之公州人金德麟繼上疏政院不得已奏稟上令禮官稟處大臣與二品以上三司諸臣會議賓廳皆言既尊爲世室不必追上徽號事遂寢○以李喜朝爲工曹參判金榦爲執義朴弼周爲敦寧府參奉皆遺逸也
丁酉四十三年春正月諭諸道監司修舉賑政○掌令宋思胤上疏言先正臣宋時烈晚年欲於書室之傍營立祠宇以祭明神宗未就而遽遭已巳之禍貽書其門人俾卒其志始行籩豆之禮宜自朝家給田結奴婢助供粢盛上下禮

曹議判書閔鎮厚曰所謂茅屋祭昭王出於士民追慕初非國家所知所引虞帝廟亦僭矣只給田結未知事體如何上曰姑徐之○二月白虹貫日○三月幸溫陽之溫泉王世子請隨駕不許上以眼疾脚痺積年彌留爲臨浴也命所經邑量減丙申條田稅大同備局覆奏請湖西減每結二斗畿邑減每結三斗溫陽一邑全減上可之祭所過名山大川及金長生金集宋時烈宋浚吉金淨宋麟壽宋象賢李舜臣李貴尹集洪翼漢墓上在溫陽召見本道伯尹憲柱及道內守令以差員來待者諭之曰予有積病作此萬不獲已之行言念民事心甚不安又命悉陳賑政及農形憲柱言道內飢民多至十萬三千餘口賑資不過皮穀十八萬石米千餘石無以繼賑上曰賑飢固不可緩而給種尤急且諸般民瘼及予在行宮時一一狀聞憲柱請道內大邑久遠軍布量宜蕩減上命廟堂稟處因歷問諸邑飢民及死亡之數又以勸課農事盡心賑政戒諭入侍守令仍命凡諸弊瘼與道臣相議區畫登聞○祭酒權尙夏來朝于行宮請以士服入見上許之及進見握手講論治道仍命隨駕尙夏竟辭歸○上自溫泉回鑾至稷山登靈沼亭即顯宗幸行時所建也上親製詩志感○湖西進士鄭

東章等上疏言李翔之冤上令廟堂稟處金昌集奏曰向者李翔疏論淫獄反爲仇嫉輩所文致終瘐死獄中暴屍都市一子一奴及門生一人死於桁楊被禍甚慘彼構誣者以爲翔圖取柳斗星之財產此豈萬萬近似乎甲戌改紀初自上詢諸臣柳尙運對曰斗星之於翔爲異姓六寸之子又多同生斗星雖死其財產豈歸於翔乎斗星之妹以誣母因朴泰淳奏推問而斗星妹以翔教誘納招人莫不稱冤蓋尙運嘗謫湖中詳知物情故其言如此諸臣亦皆稱冤遂有復官之命竟因朴泰尙疏而還收今駕幸之日有理獄盛舉若論道內冤獄莫先於此閔鎮厚李觀命所陳亦同上許復官○夏四月上至自溫泉○命校書館刊行宋時烈文集從提調閔鎮遠之請也○五月以金長生從祀文廟儒生從祀之請至累十年至是館儒趙謙彬等再疏請之上許之進士李相采梁命夏等上疏醜詆長生及於李珥成渾并命邊配○命文廟從祀諸賢世祀不祧○以金昌集爲領議政李頤命爲左議政權尙夏爲右議政○以朴光一爲諮議光一光州人也師事宋時烈學行卓異屢除官不就○上幸溫泉時湖南儒生上疏言李師命按湖南時有政績及其死之慘其子喜之亦上言駕前訟

冤上下禁府議禁府覆奏言師命再被極刑人皆愍惻以甲戌復官時故相臣南九萬所陳之語觀之猶謂其功不可全棄且逆杭既已伏法陷人一款尤無可論以此疑者亦解望其將功補過上以爲其功不可不念命復其官○中外癘疫大熾死亡無數命行癘祭于山川城隍及古戰場○秋七月八道大水○命王世子聽政世子自禧嬪罪死後驚怖漸成心疾有時向壁而坐細語諄諄若與人酬酢或中夜彷徨階庭且下氣痿弱陽事不舉上每獨坐咄歎延祔君英睿夙就故有易樹之意一日語入診諸臣曰予病沉綿無以總萬機使太子聽政古人有行之者李頤命對曰宜倣世宗朝文宗故事省文書使人讀奏召世子參決可也然此不可與一二臣議定當詢諸大臣既退上命內官獨召頤命頤命顧承旨南道揆曰上教雖如此承史不可不入須卽同我而來因卽趨入上命催上殿頤命拜請許入承史上引孝廟朝宋時烈獨對事屢諭之頤命不得已進伏上執手流涕曰予死亡無日予死後世子決不可堪荷奈何頤命泣對曰聖上何出此言辛巳聖教既曰專爲世子地其後至欲禪位今忽如此何也上曰其時不如此衛瓘尙言此座可惜卿爲大臣何不爲國深慮頤命曰

世子仁柔事仁顯王后甚孝亦善居憂無失德之聞臣民皆仰戴設令處事有未盡臣等亦可以輔導上曰師傅賓客左右環坐而全不留心而顧他卿等何以輔導况向予亦有不遜之行無奈何矣頤命曰此何等大事而獨命於臣乎臣死不敢從上曰事既如此幾微已露日後兩王子將有難保之慮卿等須極力保護俾無他虞頤命涕泣曰敢不竭忠盡節以死繼之乎遂退伏其座承史等請承傳色奏以徑入而上不許及獨對已畢上始許入仍命諸臣出外招時原任大臣於是李濡金昌集李頤命入侍上曰予眼疾益甚不可酬應庶務更招左相蓋由於此諸大臣皆言世子仁孝請依世宗故事令世子參決庶務上屢言世子不克負荷諸臣力爭不得已從之下教曰五載沉綿之餘目疾添就視物益昏酬應漸難國事可虞依國朝及唐時故事使世子聽政世子上疏辭上批曰積年沉淹眼患又劇事務遲滯病裏憂深命爾代勞茲乃國朝故事爾何讓焉嗚呼付托至重爾責至大夙夜寅畏罔敢或怠敬怠之分與喪斯判可不懼哉書曰念終始典于學亦宜勉旃再疏答曰昨日批旨訓戒之語爾其式克欽承毋庸更辭且近日事子處分事處分正而是非明可以不惑於百世

事闕斯文顧不重歟故特言之予志汝遵莫之或撓又以書示予意爲題特成一文曰父師輕重之說曾有下教一自擬書墓文詳覽之後予深究義理是非大定可以有辭於後世爲子孫者須遵此意堅持勿撓可也獻納朴聖輅趙鳴謙疏論獨對之非頤命上筭辭職答曰君臣猶父子今茲獨對未見不可而非非叛行者乎且卿謂承宣同我隨入云則尤無所失領府事尹趾完昇疾入京上疏曰伏聞筵教有及東宮者舉朝震恐衆心波蕩老臣不死乃見此報心膽戰掉直欲碎首丹墀而不可得也惟我春宮睿質天成承事先后至孝無間中遭變故無一毫幾微形於外毓德三十年一國延頸願死豈意今日乃有此事乎自古衰末之世陰邪逞凶之徒蘖芽其間敗人國家者多昔在甲戌大臣南九萬爲是之懼曲意隄防竭誠調護今九萬已矣只有篤老垂死之一微臣而地望輕微不能鎮伏人心言念及此心骨俱寒聽政之舉徐議未晚而伊日大臣反請參決臣切惜之獨對之舉上下交失聖上安可以相臣爲私人相臣亦何爲人主私臣宜其中外驚惑國言喧譁伏乞復下明命使一國臣庶曉然知聖心無間國本永固焉答曰予病至此變通之外無他道理使世子聽政之教

予先發口大臣奉承蓋亦遵世宗朝故事有何不可而以不爭責大臣也頤命出城上遣承旨敦諭又教曰領中樞尹趾完以篤疾之人汲汲入城有若國家安危迫在呼吸者然舉措既極異常告君之辭亦不擇發至於左揆直以私臣一筆勾斷驅於罔測之科此等排軋之舉反出於耆老大臣寧不痛慨乎又答頤命疏曰日昨下教實出於堅讒說之意趾完胥命還鄉留疏曰九豎垂死之年乃以讒人見疑將何顏面復立於世乎獨所恨者臣之所陳宗社至計而略不省納反以臣爲讒竊恐聖上此心終爲亡國之根柢也願聖上捨置萬念惟以安固國本爲第一義上嚴批斥之司直李大成等數十人上疏曰筵教一出國本不可謂不搖矣幸而今日之處分如此正是聖上用力培護之會其所處分固宜光明正大而獨與一大臣屏人私語無恠乎羣情駭惑今宜以獨對時事明白開示使上下洞然無疑焉答曰大事已定開示已盡今無可論至若開示獨對事云者用意危險極可駭也仍命今後此等疏章勿爲捧入注書趙鎮禧疏請使其時入侍大臣膽出筵說一通上經睿覽仍付史局上不許修撰金有慶亦疏論獨對之非答以侵逼大臣左參贊趙泰者疏救趾完不聽判中樞

趙相愚上疏曰東宮聽政之教實正大光明之舉竊恐聖上始則麾退承宣記註而行獨對非常之舉旋復并進二三大臣密勿咨度一對二對至于三對而外人之耳目愈疑惑矣春宮正位號亦且三十年未嘗有一毫過失聞于外者而卒有此未安之教抑何故也故相臣南九萬崔錫鼎憂之於甲戌辛巳之間今也二臣云亡其言獨存聖上寧不却顧而深思之耶爲今之計莫若渙發綸音明告以向者之教實出輕遽今已快悔而益篤慈愛之念則臣庶之疑可釋東宮之心可安上教曰日昨筵教不過慈愛之心欲使東宮加勉而已金昌集上劄曰頃者隨大臣之後入承聖上未安之教合辭爭論幸蒙聖明快從群情遂有聽政之教臣等方攢祝欣幸判府事趙相愚疏復進二三大臣密勿咨度是何言也伊日召命徧及諸大臣而諸臣自不來耳此豈聖上欲獨與二三臣言者哉領府事尹趾完疏乃責臣等不爭執於聽政之舉臣實未曉其意也始臣等之所急只在於天心之回悟耳又孰知聽政參決之有異同乎○八月王世子坐時敏堂受百官朝參先是禮曹上聽政儀節一處所定于時敏堂朝參及引接等事皆行於此堂一聽政時坐向依歷代及本朝前例西向一聽政時

朝參一次行之常參無事時間爲之群臣拜禮依世宗朝所定宗親及文武一品以下再拜庭下世子不答惟宗室伯叔父及大臣師傅先陞堂再拜世子答拜賓客朝賀時拜庭下書筵時則依舊例行之一祭享依世宗朝所定宗廟山陵世子皆代行行祭時凡事一依親祭例而祝文則依攝行儀以謹遺書之一每五日賓廳日次大臣備局諸臣入對於時敏堂該房承旨隨參書筵外聽政日引見承旨亦進參承旨進參時翰注各一員隨入春坊官并兼春秋聽政日當直人亦入侍記事一政務依世宗朝用人用兵刑人親斷其餘庶務皆取世子裁決之例凡上章三司劄奏藩臣狀聞各司奏辭皆上于東宮而其中事繫重大有難自決者稟裁上一前一疏奏所論諸條中有用人用兵刑人等事拈出別爲書入而凡內外官遞罷并爲入奏兩銓除拜大小官遞改禁府刑曹大辟處決及兵曹京外軍兵上番習操歲抄宿衛遞代軍號省記宮都城門開閉等事并爲入奏一出納教令依世宗朝例自聽政日令承政院主之侍講院曾所舉行者本院舉行下教稱下令傳旨稱徵旨依允改依準奏辭稱達辭狀奏稱狀達奏本稱申本奏目稱申日上疏稱上書百拜改再拜凡文書入達舉行之

事政院每月朔抄錄奏聞年例應行之事一并書入有煩睿覽此則安徐一朝
賀等儀註令禮曹憑據世宗朝所定參酌古今作爲新式儀仗及宿衛軍士兵
曹憑據世宗朝所定比常時加數○前持平李世德上疏政院却之世德擊錄
原情訟其師尹拯之冤歷詆宋時烈曰向年聖上遣史官索取朱書劄疑於宋
時烈時烈以爲在黃江權尙夏家乃令史官迺往取去因抵書於人曰勸送史
官於黃江老耄嘗讀朱子書豈無所見而然歟噫朱子之擅役王人見於何書
也其爲孝廟輓詩借製於金益廉有糜心甘野草鳳詔帶天香宇宙懷深耻風
塵有暗傷之句自謂得意之作筆之於書未知朱子之輓宋孝宗亦有此事耶
又在先朝以陵寢事時論多咎時烈時烈抵書於大臣曰陵行連年廢閣溫泉
逐歲幸行不能無疑於人心當初聖意以弘濟洞爲道遠不用雖如寧陵之近
不能展省則與遠何異乃無一毫自反之意專咎臣下何也未知朱子之議山
陵亦有此辭氣耶昔孝廟獨留時烈賜便坐屏左右密詢復雪之計勤問不已
乃以刑家修己四字塞責又以從祀五賢更加取舍金弘郁冤死可念陳對上
曰今日所急非此事也時烈所謂大義者止此一說更無繼陳之策及孝廟之

喪不待大塋徑出國門曰我不受永安之詔若是而謂之忠於孝廟可乎曾在
丁丑南漢之圍嘗以短刀條繩自隨示以必死之意及下城之日輒自謂無當
死之義宋浚吉貽書責之浚吉文集時烈所勘定而其書見拔卒之兩門爨生
篋笥始發而短刀之說狼藉於浚吉門人之通文噫不死南漢豈不爲大累而
時烈平生每以節義自居惡人議已崎嶇掩護今彼輩反以尹宣舉謂之掩累
正爲時烈道也蓋時烈名爲法朱子而實則假借而已名爲忠孝廟而實則虛
僞而已異於已者輒謂之背朱子攻其短者反謂之誣聖祖使一世莫敢議已
又從而肆然號令於國中曰我朱子嫡傳之學也我孝廟同德之臣也其徒從
而和之如出一口噫若此不已少無懲遏竊恐朱子之道不尊孝廟之志不白
矣今日聖上昨年處分皎如日星百世不惑此人負犯萬萬絕痛乃竄世德于
絕島時烈門人大憲李喜朝上書辨誣抄取時烈文字之論鑑及宣舉父子者
封事之陳大義者其他可以暴孝廟志事者并孝廟獨對時說話合爲二册名
以宋文正文抄緘封投進館儒朴斗益等亦上書辨誣世子并優答○九月量
全羅慶尙忠清三道田○獻納郭萬績上疏請以世子聽政告廟頒教又論春

宮疏批所謂近日事云云不過私家爭辨之端不可爲今日貽燕之第一義又請昭揭獨對筵說又救趾完上嚴批斥之至於告廟令廟堂稟處諫院駁遞萬績館儒金樂曾等又上書斥萬績請敦召權尙夏世子優批○李頤命力辭其職不已世子勉副之○冬十月以世子聽政始告廟頒教諸大臣皆言不可以前例所無不行當行之事從之○以權尙夏爲左議政趙泰采爲右議政○以李喜朝爲贊善金榦爲進善○調查京外戶口戶五十四萬七千七百九口六百八十二萬九千七百七十一○十二月修撰洪萬遇上疏言聽政告廟之議首相有持難之意東宮之替行迎勅初不磨鍊於節目必待上教始乃舉行林下儒相初無一言於上下憂疑之際又不獻議於告廟之論大臣之爲國忠慮山人之調護儲宮恐不如是嶺南科儒欲廢舉封章以效延頸之忱而考官驅逐道臣狀聞盡充軍役竊爲慨然上以疏辭危險特命罷職玉堂筭言儒相窮鄉僻居不能及時封章而綸音特下開示無餘則迫提煩說實非義理儒相不敢以大臣自處故不爲循例獻議此等危險之言隱有嫁禍之意而處分似失太寬上命削黜○刑判趙泰者上辭職疏言罔測之罪名出於當國用事之大

臣上以用事二字極其深險命遞泰者職○江陵人咸一海上書言禧嬪墓不吉請更卜吉地上以敢書爵號甚絕痛命還給又令禮官率地師往觀○平安觀察使金樸執義金榦以李世德誣引其師朴世采之言粧撰文飾以毀宋時烈各陳書辨之且言其師之斥拯尊時烈世子並優答○特擢鄭澹爲禮曹判書

戊戌四十四年春正月判府事李畚卒畚植之孫位至公相持身如布素所居隘鄙處之裕如○各道癘疫大熾死亡無數○二月湖南人李升運等上書曰昨年金長生之躋享聖門之羞辱極矣不意今者本道儒生鄭敏河等又進一書敢以罪死臣宋時烈故判書宋浚吉并請從享敏河等敢爲萬萬絕悖之言以誣我禹明獨不畏天地鬼神之監臨耶世子以爲如此陰凶之輩不可不亟施投畀命升運極邊定配○三月昨年四學儒沈鳳威等疏請毀尹宣舉書院疏下禮曹已久人多推諉不決至是判書鄭澹始覆奏請獨享處則毀之配享處則撤其位世子從之禮參吳命峻乞寢毀撤之舉不從趙泰采請只撤恩額及官供上許之○世子嬪沈氏卒葬楊州後封教曰我朝通喪定行古禮一洗

紕繆獨於其功之服易月之制猶存誠爲欠闕并欲釐改者久矣今者成震齡以微末郎官輒附執藝之義疏論喪禮意在復古其言實合予意今夫定禮宜從此喪始儀曹知悉舉行○夏四月復昭顯世子嬪姜氏位號及其父碩期官爵上曰予閱李明漢文集見姜碩期諡狀知其爲賢宰相且望昭顯廟心甚愴然親製詩三絕首相集請復官予樂許之上又以復嬪位號議于大臣諸宰皆言其冤遂復其位號諡曰愍懷改封其墓親製文致祭又祭金弘郁○正言成震齡上書曰內官或雜以闕冗之流行已羸鄙者曾叨亞長之列書筵之官曾經兩司者皆可爲之豈盡是輔導之材銀臺之任苟陞堂上者鈔不經擬豈皆堪出納之責六曹長貳不觀其才局器量而掌銓者皆可掌兵司禮者亦可司刑苟非通才豈無僨事之嘆至於庶司之職自高者徒尙優遊漫不省事庸陋者計資崇庠量賂有無而胥吏因緣作奸無所不至今日國事之寒心至此而至於廟堂之上有貽簠簋之誚被迎合之譏者得以反居右席而方且以無稜爲相業調停爲家計何恠乎庶事之叢脞百度之不貞哉又論方伯守令閭帥邊將之不得其人與夫北漢築城之非計三南量田之不公世子答以駭異

震齡引避論斥右相尤力掌令金萬冑請遞震齡從之○先是三道儒生上疏請宋時烈宋浚吉朴世采從祀文廟臺官鄭宅河論世采并列之不可至是大憲李澤上書言世采闡明師生之倫於斯文變亂之初扶樹名義之重於倫彝敦絕之際其功不在禹下而向者臺疏直以己意肆口評論顯示抑揚有凌蔑之態此等言議若不裁抑流弊不可勝言且斥成震齡之妄論右相答曰卿憂慨近事持論公平予用嘉尙○五月正言李明誼上疏曰今居鼎席之首者自釀成士禍之後自知不容於士類弁髦廉耻貪戀權勢廣開賂門苞苴輻湊於私第務樹私黨差除一出於其私軍門銀貨擅許象譯之帶去邊閩薦擬只令債帥而晉用箭里陳場肆然圖占仍伐東小門外餘存松木日役郊民動以百數防泐作田以爲己物新營別墅於終南外麓招集旁近富民交結嗜利仍給惠局所儲錢穀取息納本以爲牟利之計前秋史官傳諭聖批托以身病使王言委諸外堂而去史官覆難數四終不得傳命其時臺官乃反駁擊史官使不得一言自辨於此事可見其氣焰之薰天也至於毀院尤是前古所無之舉惟彼鄭滯毒正之心老猶不悛突然赴朝攘臂擔當其亦無忌憚之甚者也日昨

大臣請寢成命一脈公心猶足可見玉堂之節以謂致貫虹之變奇恠可笑奚異於童駭之言也吏曹參判李喜朝巧言令色欺世盜名假步山林濫躋華顯向者囊封冊子殆同密奏物議譁然久而未已平安監司金樛全沒其師朴世本旨杜撰誣引惟以媚悅時論爲事其平生伎倆只在於貪饕曾按海臬府庫蕩然以船載貨中路臭載及移西關舊習益痼大小各庫徒擁虛簿臣竊痛之李師命罪惡聖上之平日痛疾及今至親盤據崇顯乃敢擊鼓王府之臣知有巨室而不知有國法艱難奏讞而聖上猶且曲從其所以恃寵無嚴者昨年獨對之失有以啓之也上不答特命遽差旋又遠竄金樛上書曰明誼等胡不以己已以後書引以爲證而乃反掇拾斷爛屈曲爲說乎臣嘗見拯門私記陷毀臣師有曰立丈朴世采今則與明齋尹拯所見不同曰柳相柳擬明齋於清望而立丈非之其規模一襲懷川宋懷德烈之覆轍曰立丈末稍反戴懷川終令合享於道峯書院觀於此則拯於臣師果能終始罔間乎若其橫加臣以貪饕之目則一行按查真妄呈露矣拯門私記誣辱先正宋烈極其慘毒至以貪財爲言今明誼祖述其習乃於不右拯者則一以貪饕目之是何人之廉貪必係

於拯家之怨否也正言趙榮世上書言明誼之誣陷及吳命峻之貪鄙世子答以辨破明白○六月旱避殿減膳撤樂疏決求言惟斯文是非如有假托應旨變亂黑白者斷不容恕○時旱疫并熾京外兵民死者不知其幾十萬○判中樞趙相愚宰相愚判書珩之子少遊宋浚吉門晚附吳道一輩結爲血朋○秋八月以李健命爲右議政○初金鎮商登科當分館在槐院者以其祖益勳爲累而枳之至是鎮商於辭書追辨昔事語斥其時主論罪益勳者韓泰東等諸人忠清監司韓祉泰東之子也遂上書自辨上教曰壬戌璽瑛之獄逆節昭著妖腰亂領快伏邦刑則爲今日臣子者何敢萌護逆之心哉昨觀韓祉書本則發怒於注書金鎮商辭書中有時輩挾私構誣之語醜辱其祖金益勳而祖述其父泰東不正之論直驅王家勳勞之臣於誣讟之科是以璽瑛謂非逆也愛護凶逆萬萬痛惋此而置之其將以桷堅爲非逆矣不可不嚴加堤防韓祉削奪官爵門外黜送○李獻英獻章等因判府事李頤命獻議有覆試之命臺官以直爲拔榜論奏經年至是始停將覆試獻英等不就試上至命拿問終不應供辭誣辱滿朝力詬前後論奏者遂命削科○閏月領府事尹趾完卒趾完趾

善弟也嘗使日本律已甚嚴一行畏憚以此得譽遂至台司爲人驚悍無學識當官蒞事必主嚴酷○九月立魚氏爲世子嬪兵曹參知有龜女也○時端懿嬪服制上定以長婦期年持平李重協請依儀禮爲嫡婦大功之文改以大功上命收議于大臣儒臣而諸臣皆以宋時烈己亥禮論終爲禍胎爲戒無一人明言正對者仍用期制識者竊歎○冬十一月大疫上親製文遣重臣祭城隍及山川○十二月前刑曹參判李世弼卒世弼恒福曾孫也通明愷悌詳整績密至於政事時務的見實用任州郡有異績徵遺逸一不就

己亥四十五年春正月朔日食○以金昌集爲領議政○中外癘疫大熾死亡以萬數○白虹貫日○二月上入耆老所是歲上壽將滿六旬前直長李楫上書請依太祖朝故事亟令耆老所稟行世子樂從之藥房入診時都提調李頤命奏曰太祖六十入耆社其後相臣沈喜壽作序記御筆題名西樓之事後代有永年之慶宜趾其美上曰本來多病五十不能自期既踰五十之後嘗念太祖六十入耆社吾年若及六十而以子孫題名於太祖之下則亦盛事也命知春秋館事閔鎮厚攷實錄於江華史閣無可據上欲不行王世子疏請延初君

延齡君昞率諸宗臣上疏請益懇乃從之命依太祖故事造入几杖建靈壽閣奉安御牒告廟陳賀頒赦宴耆老諸臣設增廣科諸臣屢請進宴上以歲歉不許至九月始受宴○判府事徐宗泰卒宗泰謙恭雅飭律已清約門無雜賓持論不爲過激○大提學金樛卒○三月以金昌翁爲掌令固辭不就昌翁泥塗軒冕守志林樊儒臣李重協等相繼疏薦曰昌翁文章學行爲一世宗仰高風峻節可以立懦廉頑蓋一時賢士大夫無不屬望上亦加歎尙特賜朱書○改葬禧嬪禮曹草記破舊墳發軔改葬時王世子與嬪宮當望哭持平金鎮商上書言昔伯魚之母死期而猶哭夫子曰噫甚也甚猶不可哭况改葬乎王朝禮與匹庶有異假若翼陵明陵或有改葬邸下不能親隨厥衛則不過素服望哭而已又何以加其禮乎伏望稟大朝以禮節情母貽後譏禮曹達曰聖人之訓非指改葬今此援據未知觀合臣子之喪亦有舉哀則何以加禮云者亦恐未深思臣等既引辛巳已行之例仰稟大朝而蒙允今不敢別生他議此事關係亦重議大臣稟處何如今曰依準領相金昌集判樞趙泰采以爲改葬之節一遵始葬之儀則邸下望哭固情理所不容已依該曹稟定似爲得宜判樞李

濡李頤命金字杭右相李健命議亦同命依議施行鎮商猶執前見乞遞不許
○憲府達判敦寧崔奎瑞居在近畿而國母昇遐終不奔臨候班長設一不來
參請罷職不叙從之後從金昌集言叙用○夏四月正言洪鉉輔上書請陵寢
忌辰祭勿行素膳又請皇甫仁金宗瑞等伸冤復官素膳事禮曹援甲子下教
覆奏仍用皇甫仁等事吏曹請議大臣大臣皆言當復命更議六卿三司亦皆
言當復而惟校理金雲澤引其仲父鎮圭疏論以爲復官則不可但錄用後孫
亦足以愍隱寬宥世子令曰仰稟大朝則復官終涉重難收用後裔爲宜爲教
依此舉行○以李觀命爲大提學○六月承旨入對東宮承旨俞崇纒就位世
子厲聲曰承旨速退趙榮福今何不來承旨無狀六承旨當拿問史官亦并退
去崇起拜曰欲知罪名世子曰斯速退去崇趨出文學李重協諫之世子曰并
即退去史官亦即退去重協與史官皆趨出頃之又出令使承旨史官并入對
於是諸臣迭諫克己制怒之方答以留念上聞而憂之召世子戒之○修撰趙
尙健上書請從兩司之論毀尹宣舉書院削其文集板世子初答以依準尋改
以決難準許○雷震文廟檜木金昌集上劄曰雷霆者上天至怒之威文廟者

國家至敬之地以至怒之威加至敬之地此必有所召也世教漸衰士習不古
衿紳之列未聞雅飭檢束之行庠黌之間惟襲偷薄爭鬪之風其何以責他日
之出爲時需哉且從祀之典至重至大必待朝野士論歸一然後乃定而今則
不然遐方之士率爾發端或以兩賢爲請或以三賢爲請至於太學又發四賢
從祀之論取舍惟意停發無常似此士論實未前聞今欲救得一半則惟在慎
簡師儒之長使之久任責成世子優批仍謁文廟○冬十月延齡君昉卒年二
十一無子上慟甚將親臨喪次趙泰采金昌集李頤命李健命閔鎮遠等爭止
之曰積年沉痾之餘動駕喪次聖候必有所傷臺諫金雲澤趙尙健等亦爭之
上揮涕嗚咽曰予兩目不見物雖往何爲第欲趁其未就木一撫其屍也大臣
諸臣交口迭諫上不能行曰發引前不可不一臨矣第九日上至喪次大臣諸
臣進請勿臨殯所上唯唯而命承旨史官并退出隔帳幔於前使諸臣不之見
乃入殯堂哭甚哀

庚子四十六年春正月申嚴夜禁令各司收舊勿禁帖更給新帖○告廟陳賀
頒教以上壽滿六旬也○夏四月開城留守閔鎮厚卒鎮厚維重子內行修飭

練達事務蒞官任職勤勵不懈絕無戚畹豪貴之習善類頗倚重○六月上昇遐壽六十幼時母后病不能進食必跪進粥飲憂形于色嘗有所養雀雛死不忍棄令埋之內局取牛酪其犢多悲鳴上問其故不進酪自登大位銳意圖治好學尚文崇儒重道居常手不釋卷崇儉節約衰衣之外不御錦緞朝夕盤羞不過數品氣貌清肅賦性剛果知過則改見義則從乾斷赫然奮若風雷○王世子卽位尊王妃曰王大妃追封端懿嬪沈氏爲王后立嬪魚氏爲王妃○始行國恤三年之制先是國恤服制專用五禮儀多不合古禮大行王講定三年之制而未及行至是上斷然行之喪禮於是乎大備矣○太學生尹志述等上疏論服制獻議之失曰朱子服議有曰斬衰三年爲父爲君自天子以至庶人

不以貴賤有所增損也今則不但民庶之無服而已訓院邊將陵殿官及前銜館儒等只令以白衣白笠白帶成服安在其通喪之義也令該曹更稟處乃請一以斬衰成服而儒生與朝官不可無別以生布衣麻帶成服從之○秋七月祭酒李喜朝上疏曰臣於年前進東賢奏議及先正臣李彥迪九經衍義要語大行王褒以精切昔在明宣兩朝於大喪卒哭前亦御經筵今雖不能備禮開

筵若引接儒臣講以此書則必有所補上優批○趙重遇人七上疏言追報之典禮經明訓母以子貴春秋大義聖上所生之親尙闕名號大臣三司無一人言者是不知而不言耶抑知而不言耶聖上有何疑難而尙不定名號也向日先大王鑑聖上之情而特許遷葬達聖上之志而復令望哭以此推之陟降之靈必不拂於今日之舉矣璿譜纂輯悉稟睿裁而禧嬪二字未嘗刊去先王微意存於其間特命禮官亟定名號承旨洪致中等奏先大王處分不啻嚴截丙戌下教有曰御史書奏啟書爵號駭然莫甚仍命罷職又於丁酉咸一海上書亦書爵號先大王以甚切痛爲教聖意所在昭如日星陰邪之輩欲逞嘗試之計矯誣先旨用意凶慝若不嚴懲隄防漸弛教曰重遇疏此豈臣子所忍發口仙寢未冷之前誣罔之言若是肆然不可不痛斥邊遠定配水三執義趙聖復掌令朴弼正請嚴鞫依允重遇刑十二度引朴景洙尹天遇李受漸並刑配重遇道死初政院入奏時承旨宋成明稱病規避校理洪廷弼隱然和附大諫趙觀彬請罷成明獻納洪禹傳請罷廷弼○命朴泰春金世欽呂必重姜履相李廷師給牒丁時璧鄭維錫解配執義趙聖復奏泰春等或傳播凶言煽出溥疏或

疏救凶人密贊陰謀負犯至重請還收連奏不允歲抄時秦春等並叙用權斗紀李鳳徵李玄逸陸來善徐瑱宗室樞煥燦燦等給牒承旨俞崇李正臣鄭亨益正言金萬胄等奏來善自做不恭之說玄逸敢發自絕于天之語鳳徵投進無倫之疏紊亂名分三人同罪樞等七人給牒請還收連奏不允後因李健命陳達只收來善玄逸給牒辛丑疏決時又還給因右相趙泰者奏還收樞給牒壬寅又還給○九月立唐何蕃宋陳東歐陽澈祠于學宮大行朝有成命而以歲儉未舉至是館儒李箕重等上疏言之上命亟營建○遣判府事李頤命如清告計頤命議于領右相曰今此使行實有深慮聖上當辛巳之變既被禧嬪毒手之犯一嬪以尺擊上曰我死汝何生爲上昏倒移時得甦一且驚禧嬪極慘之事遂成奇疾容貌瘦黃鬱火衝動精神昏迷在東宮時屢接北使北使見病色每有未滿意今當告計時彼人之心有難測度若有意外事不可無預備遂齋銀六萬兩而去○李頤命在道上疏言先大王誌文撰進後物情不滿以事有闕略語無稱停爲疵云所謂闕略非臣偶漏竊附古人諱親之義大司成黃龜河奏掌議尹志述以疏事發論疏頭避嫌故捲堂書進所懷李頤命所撰

幽宮誌辛巳事沒而不書丙申事微婉其辭夫辛巳事先王夫恢乾斷明示典章丙申事變起師生民彝淪喪先王洞辨是非真可以建天地而不悖斯文賴而不墜也頤命白首之年顧瞻利害費盡機巧怵於禍福文致奸言及夫公論譁然敢以諱親之說作爲義理其不忠之罪可勝誅哉亟命改撰正言金樺亦請改撰李健命頤命弟上筭言改撰臣何敢可否但乞遞任答曰誌文無闕漏不可改撰獻納宋必恒奏到今提論終涉重大答曰志述構誣大臣謬及私親遣意陰險邊遠定配承旨趙鳴鳳韓重熙領相金昌集請寢其命大司成黃龜河正言金樺金龍慶掌令李重協執義洪禹傳持平宅河并疏救學儒趙徵等亦疏救并不允同成均李宜顯大成金雲澤奏館儒以齋任被罰終不入齋不可威迫一旬空齋未安大矣命還收遠配之命趙泰者奏志述專昧忌諱語多悖妄正言趙最壽疏言志述必欲暴揚往事於大文字令君父自絕所生之恩宜施鳥配大臣諸臣交章營救無嚴極矣宜施遣責金昌集李健命引入玉堂申昉金雲澤兩司趙鳴謙洪龍祚金樺疏論最壽罷職依允京儒金行進湖儒洪滄等上疏請斬志述以正無父無君之罪任敝李楨翊一體按法掌令任洞

奏重遇嚴治後有此等疏勿捧之教捧入承旨李翊漢沈壽賢罷職不允靈光
儒金無黨等疏救志述斥重遇仍請禧嬪位號祠堂別立任洞又奏斥捧入承
旨任守幹上例批○以李健命爲左議政趙泰者爲右議政泰者再度加卜落
點○冬十月葬明陵濟州民百餘人請執陵役且獻土產上許其役而却其獻
優賜米糧送之禮曹奏卒哭後庶人服不載禮經朱子語類有百姓爲諸侯有
士者服三年之文請令庶人軍吏并白衣終三年從之著爲式○十一月承旨
李真儉上疏曰今日廷臣甘心死黨追提不忍聞之說敢肆操切迫脅之習趙
重遇尹志述即其所使也重遇托恩而悖義志述假義而絕恩聖上與其隱然
含憤一任羣下簸弄毋寧快正志述之罪仍治黨與伸救者金棹挺身伸救悖
妄無異志述而加以可尙等語宜同罪懲治最壽一疏辭嚴義正而被斥諸臺
冒沒仍蹲請一并澄汰丁酉獨對大臣不待承史之導前敢投足於延英一步
地已非人臣光明底道理而入對說話史官不書外人不知既曰匡救則不可
謂必無是事至今四年中外人心莫不以此爲罪臣以爲遽然獨對爲可罪獨
對以後事不欲抑勒深罪以傷忠恕第大臣赴燕上劄請得銀貨我聖上正位

春宮三十年代理萬機屢接北使彼必不容他議大臣逆探敢忽援引爲恐動
之計此何心也應行常典雖不費一錢自可順成六萬銀貨其將用之何處至
於誌文不欲斥言蓋出諱親之義末乃在道封章自作物議請改文字於刻役
之後似若啓志述今日之舉者然中外之疑烏可免至若新錄事出入閃忽手
脚惶忙迹同冢突事近鴟張主點者春澤之弟被選者益勳之孫其他不無濫
竽所當登時削改批曰侵詆大臣語欠平和諫院奏丁酉獨對時事先王遄即
悔悟誕下絲綸兩聖之間慈孝無間而彼真儉以愠懟先朝之徒乃於先陵墳
土未乾之時汲汲投疏必欲一反先朝處分請姑削黜不允○十二月清使來
致吊祭趙泰看上劄言北使知會以爲例遣大臣致祭外特選近御大臣臣僚
往唁欲直向山陵拜奠其下又有相見世子并弟及子姪之語其意不可測另
飭廟堂與僉臣援例嚴防上命廟堂商確延接都監奏清使稱以皇旨要見上
之弟子姪及宗室譯官依臣等指揮答以上姑無儲嗣弟二人一則昨年無子
而卒一則疾病沉篤亦姑無子宗室則元無近屬清使又曰王弟雖病必欲相
見臣等爭執不聽泰者劄曰北使稱以皇旨要見聖上弟子姪宗室而備局書

示之噫嘻此何舉措已示之書今無可奪之勢善後之策未知從何而出答曰
書示事首揆再三牢塞出於不得已卿之憂愛之忱可不感服金昌集李健命
上箚言書示比諸請見無甚關重不宜一切揮斥以惹事端右相箚論咎責不
勝駭惑答曰右揆此割斷斷無他卿等爲國之誠予已稔知持平李廷燾疏劾
秦者以危險之語恚間骨肉上斥以費辭侵薄秦者引入上下諭敦勉○李夢
寅等持斫刃入闕投疏曰領相昌集久有將心國人皆曰可殺而騎省喉院只
知有昌集不知有君父討復之疏一切壅蔽苟長此習弑父與君何所不至聖
上忍令志述一小豎攘臂僇辱我聖上誕生之親臣不欲與此賊并立於孝治
之世也先王晚得元良定策儲位一種凶徒常懷不滿之意今志述先倡不道
之說而其徒紛紜營救首揆亦托館儒游辭救解人情之可怒莫大於辱其親
而聖上置之度外頃者鎮商欲沮望哭禮於遷葬之日使聖上不得伸人子一
痛而聖上卽位朝除暮遷恩點絡繹若崇獎直節者然今日志述所爲未必非
聖上啓之也陽來則威喝衛士使冠儒服儒不敢近於九閭司馬門不入之事
不幸近之及北使一出多般恐喝莫測端倪一自昌集與北使往復後臣民疑

懼有若何樣禍機迫在朝夕此何爰象獨對大臣偷去六萬銀貨起承宣之訝
惑當國首揆書給一張紙致右揆之驚慮聖上孑然孤處深宮之中所恃以爲
國者果誰乎惜乎右揆當危疑之際一向退臥此豈所望於彼相哉伏願先斬
志述明既晦之彝倫夫正昌集定已散之人心金昌集上箚曰僚相箚語不勝
危怖鄉儒繼起臚列危險至於持兵器攔入禁中莫非臣遲回坐犯衆怒而然
也答曰未登儒疏不必介懷刑判李宜顯奏李夢寅持刀作挈既入相箚當出
問曰耶判府事趙泰采曰雖漏於兵曹草記既有領相箚諸臣耳目不啻狼藉
添入問曰宜矣李健命曰原疏入覽處分上曰入之刑曹弘判堂李奏李夢寅沈
得佑趙澄等原情有曰領相救解志述之後君臣之分母子之義滅絕無餘臣
等以討罪之義封章叫闥喉院騎省一向壅蔽故果佩斫刀陪疏入闕東漢梁
冀欲殺李固杜喬其弟子趙承等腰斧鎖詣闕太后赦之又其弟子郭亮左提
鉞右秉斧詣闕上疏雖以冀之凶逆未聞以持兵構罪冀之所不爲今相臣忍
爲耶麗朝禹倬以白衣持斧入闕上疏我朝趙憲亦持斧伏闕臣等此舉古今
何殊領相與北使說話尤萬萬驚愕聖上春秋幾何嗣續有無元非所問昌集

無端書給此何舉也宗室二字元無彼人之文跡備局奏辭以諸宗室列坐等語再三稟達者亦何意義臣等爲此明倫之舉爲人所構殺云觀此所供危險誣陷挾刀突入自有當律上命除刑推議處其後寅夢杖百三水充軍得佑澄杖九十徒配○上吐黃水一升許上自在東宮有心疾每當哭泣時內侍引就哭位則不出一聲俯伏而已只得親行初虞其他大小祭奠一未親行講筵未能一開諸臣奏事或未領會口中微聲曰俞曰允或久無荅教內侍傳命曰依爲上疾如此而居中用事者秘諱勿泄刑判李宜顯上疏言近來朔望殷奠輒有初獻官磨鍊之教聖候未寧有妨拜跪而然耶羣情抑鬱有不可言校理金濟謙劄曰孝寧殿朔望奠攝行之教臣等不勝憂歎伏乞亟收成命上命遞職政院請還收答曰濟謙劄宜出忠愛予實愧之可不允從執義趙聖復疏陳朔望殷奠替行之未安執義任炯疏請親祭入診且曰有疾未參不過一時事何可永爲定式乎答曰藥院事未有所患而然也修撰李重協奏伏聞聖候脚部有酸痛之候以此不便拜跪而然耶此後殷奠雖扶掖行禮恐似無妨若難強之時明白下教以解外人之惑教曰殷奠攝行實由於脚痛李重協屢屢煩達

心切慙慙縱欲強爲其勢末由修撰徐宗燮請開經筵金昌集曰嗣位初召對後一不御晝講羣情甚鬱戶判閔鎮遠曰若以久坐爲難臥聽何妨上曰留念鎮遠曰即爲下教可也上曰明日行之鎮遠曰臣在藥院時聖上有濕痰及客火上衝小便頻數之症先王每令人診者誠以求嗣故耳請即命醫官入診上曰唯及翌日開筵上發謔語不止遂輟講又翌日亦然自是終上之世更無開講之時大憲李緯上疏曰練前殷奠獨有此朔而脚部酸痛之候亦幸少減聖上不於此時哀臨更待何時聖上試觀前史曷嘗有臨御之初終年不開講者乎承宣入侍之規遂廢而進見益疎賓廳次對國之大事而屢氈吁咈不過一唯字嗚呼今天災日臻人心日離私意日肆而猶不至於遽亡者惟先王德澤之在人也聖上其可恃而自逸乎答曰戒誨切摯予用嘉納正言金龍慶疏言諸臣進言畢竟發落只依允而已此何故也徐宗燮疏言聖上以淵默爲主事端疑晦輒斬問難甲乙論辨或欠可否不幾於罔有稟令者耶時少論一無進言者○金昌集奏館職未備新錄遷推臣於應教趙尙健修撰金相玉事竊有所懷金東弼蓋謂尙健康駉相玉濫竽近來黨論日甚互相攻擊東弼疏專出

於敗國事之計其言不足爲嫌兩人別樣敦迫而屢違牌不進命推考承旨宋成明疏曰新錄定奪輒曰玉堂無人才彥林立公然束閣局面互換用捨偏係趙尙健金相玉決無可出之勢而相好者必欲勉出兩司疏請新錄之催促尤可笑李健命劄言宋成明因館錄事直驅諸臣於把弄之科正言金龍慶疏言宋成明排擊銓地敲撼廟堂必欲空朝廷而後已昌集又筭言堂錄自先朝有命金東弼巧計沮敗宋成明又襲東弼餘謀蓋以捨此則無以傾朝廷逞宵臆也修撰俞拓基疏辨尙健相玉事承旨柳重茂疏言駭愕之舉至於堂錄而極矣日日敦迫只在於尙健相玉卒乃忘廉突出急急完圈巖廊如此年少何責東弼疏言臣年前一疏出於舉世之公誦潛鋒毒鏑前後交加金昌集身爲大臣口業之無倫乃如此○金一鏡上疏曰臣曾劾李楨翊逼尊之罪所以聲罪者市恩徼福猥計以深憂過慮夫元老諸臣之憂深慮過者只爲一人而已楨翊以市恩徼福與深憂過慮對待爲辭指逼之罪輿情同憤楨翊謂凶潛尙有所藉口於一鏡之言潛之所供有何彷彿於臣奏而楨翊乃白地自做眞所謂莫須有者也丁酉黃髮之疏上楨翊敢抗辭章首舉臣名以及于潛眞若臣初

劾渠而潛又繼之者然渠雖絕恃安敢慢四聰若是乎批曰凶人之疏何必深嫌承旨黃璿微稟改以既往之事不必深嫌持平鄭宅河奏一鏡見棄清議貪汙州郡反詈楨翊有同急書謂之逼尊驅人惡逆請勿擬清選正言趙最壽疏言一鏡既被楨翊反詈則疏辨在所不已初批極其嚴正承旨從中請改其幻弄之罪不可罷職而止亦宜削黜楨翊上疏曰所謂深憂過慮者只出於計較自己禍福一鏡敢以只爲一人等語肆然書之於奏御文字臣所謂凶潛嘗有所藉口於一鏡者正謂此也答曰爾無深嫌○正言徐宗燮疏言前參判李光佐大行候班一不進參侍藥設廳畧不變動彼雖諉以情勢元無自廢之義故出膺敦匠之命則何不於仙馭未賓之前一番親承起居乎責罰之典斷不可已答曰李光佐處義無據罷職又奏昨日知中樞洪致中舉臣論光佐事疑以太過以光佐之候闕下爲伸分義侍藥設廳末官罷散者莫不留宿禁門外則自外承候有何可怒所謂情勢者不過以毀板事嘗遭先大王未安之教此何爲便訣堯舜之端以此而謂之進退有據非臣慮所及柳重茂疏言光佐年前抗疏蓋出苦心而亦以心事未白爲難進之義向來臺言殆近吹覓承候都下

臨哭闕外誠禮具盡至於不入內班先輩處義亦多如此當此之時如光佐輩
何處得來久靳甄復臣切慨惜答曰當依施

大韓王以禮遇之於國不置於外其禮亦甚矣昔趙完不歸臣嘗問於朝
臣答曰完亦忠義之臣也其禮亦甚矣自中朝趙完中朝趙完亦忠義之臣也
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝
趙完與國之命也何不於朝趙完亦忠義之臣也趙完與國之命也何不於朝

朝鮮史卷之十二

金環中寄贈

132
213

132
213

Handwritten text on the spine of the book, including the word "INDEX" and other illegible entries.

